

Հարցաշար հայոց լեզվի օլիմպիադայի մարզային փուլի

9-րդ դասարան

Տևողությունը՝ 2 ժամ 30 րոպե

Խորը աշուն էր: Արդեն **երրորդ** արևագալն էր, որ փորձառու որսորդը քառակուսի բարձրունքի մացառներով քողարկված քարայրում սպասում էր, երբ անտառամերձ խորխորատում կխշխշան եղեգները, ու իր թաքստոցից դուրս կգա առաջին որսը:

Այդ օրը՝ **վաղորդային**, միայն երևացին վագրը, նրա հետևից կորյունը և առաջացան դեպի **ժայռից** բխող սառնորակ աղբյուրը: Ջուր խմելուց վագրը գիրթ շրջվեց ու **անտառին** նայելիս՝ խրոխտ հայացքը հանկարծ բևեռեց հանդիպակաց բարձրակարկատ լեռը՝ ասես կանխագգալով մոտեցող վտանգը: Բայց անձավում ականակիր մուրօ էր. վագրը չէր կարող նկատել **որսորդին**:

Աստված իմ, որքան **գեղեցիկ** էր նա իրեն անվրդով վեհությամբ: Արևի փայլից ոսկևորված ասես ճաճանչում էր, հիացնում իր՝ շքեղ մուշտակի ձերմակ ու խարտյաշ գծերի **ներդաշնակությամբ**:

Ինչպե՛ս կարելի էր սպանել այդ գեղեցկությունը:

Եվ որսորդը, բնության այդ հրաշքից կախարդված, իջեցրեց հրացանը:

1. Արտագրի՛ր տեքստը՝ շտկելով թույլ տրված կետադրական սխալները, և անհրաժեշտ տեղերում լրացրո՛ւ բաց թողնված տրոհության նշանները:
2. Բնագրից դո՛ւրս գրիր սխալ գործածված բառերն ու բառաձևերը՝ դիմացը նշելով ճիշտ տարբերակը:
3. Գրի՛ր *մացառ, խորխորատ գիրթ, խրոխտ, խարտյաշ, ականակիր* բառերի մեկական հոմանիշ կամ բացատրի՛ր բառակապակցությամբ:
4. Բառակազմորեն վերլուծի՛ր *փորձառու, քառակուսի, սառնորակ* բառերը՝ ընդգծելով արմատը մեկ, ածանցը՝ երկու գծով:
5. Բնագրից դո՛ւրս գրիր չորս դերբայական դարձվածներ՝ դերբայների բոլոր տեսակներով կազմված, և նշի՛ր նրանց շարահյուսական պաշտոնը:
6. Գրի՛ր բնագրում ընդգծված բառերի շարահյուսական պաշտոնները:
7. Շարահարությամբ կապված քանի՞ բաղադրիչ նախադասություն կա բնագրում:
8. Բացատրի՛ր *սիրտ տալ* և *սիրտը տալ* դարձվածքների իմաստները:
9. Գրի՛ր շարադրություն «Հանուն իմ երկրի» վերնագրով (առնվազն երկու էջի սահմաններում):